

白  
華  
前  
稿

白華前稿卷第五十

南漚 吳省欽 沖之

古今體詩學舍後集一

予以壬辰臘使蜀甲午冬當受代去奉

命特畱前後號稱兩任而編詩未遽以分昨入峨眉別  
成一集則此後所作以學舍仍之抑不可不少別  
之曰後集者後於前之學舍云爾

敘州七夕

龍雨纔收熟稻天朱提城堞夕霞穿遠投夔口濤傾屋  
新載峨眉月滿船度世金鍼終縹渺平蠻銅鼓最紛閩

煎茶況味親嘗久不要流杯作

去綺筵

### 答泉之間川馬

顛簸羸車滾輾紅殷勤短札訊花驥旄騄萬里經行久  
不見驪黃逐隊空

兩屐尋山去齒頻筍輿無路碧嶙峋短衣小試巴賓產  
未算西南叱馭人

飛龍內殿借須還聽鼓應官曉漏慳相

去到風蹄攢四

點華林校勘讓君姻

虞阪長鳴淚未收勸憑呼馬更呼牛文淵慷慨吾何有  
款段同騎約少游

重題鬱姑臺

嘉州落都山久載景純識隋將氏鬱姑鑿開變洪浸鄰  
封指棘侯百里帶襟衽一峯號師來有臺瞭祿祓傳聞  
鬱姑仙玉液此畱飲我昔題惡詩欲辨口猶噤隋將宋  
則仙華胄豈遙蔭抑聞虔境山長公發幽吟鬱姑卽賀  
蘭贛州鬱孤臺名勝志一名賀蘭山官氏魏所任複姓孤有五見廣韻註鬱  
孤特湮沈孤也沿作姑耳食誤斯甚豈其重甲擐而爲  
六銖紆壺觴遊客攜唾涕道童禁臨覽日未斜石闌睨  
枅枕

瀘州書院祀魏鶴山魏嘗兩領州事也院外遠

山隔江了了山長楊進士鶴然卓以山無主

名屬予名之曰少鶴爲詩紀之

昔我憩山邱華父齋香辦西望白鶴山蒲江隔河漢低

徊樓上頭桑主闇朱案驚蛇與飛鳥三字揭青翰邛州試院

榜魏分書雲揭來江雒交遺愛訪書院治改祠亦遷爲

讀史所贊釐然興教養餘力逮守戰所疑理學儒宗支

昧條貫既涉莒人嫌本異張祿竄因循冒他姓茲獄待

誰斷謗騰僞君子時事足三歎與君坐論古矯首笑攀

幔九闔列堦前一江抱城畔遠峯無主名改題戒誣調

少岷緣大岷詎必接匡棧如人族望同千里可謁讚當

公領郡年山色爲公獻及我按郡時山名自我喚得名  
不在仙薄采谿毛莫應有縞衣人踰蹊下沙泝

奎星閣觀漲

漢家城闕鎖飛瀧沙鳥風帆上八廳拔地樓臺聯北斗  
報晴鐘鼓冠南邦卻思聽雨喧前夜及記觀濤混曲江  
檢點青蓑醉乘興烟波千里一漁江

可垣刺史招同潯江明府雨中渡江入寶蓮庵  
將登北巖不果

五峯何嬋媛幽訪急呼渡投鞭會澤門毛雨塞烟渚截  
流打雙槳一折九迴顧餘甘千萬頭風物渺非故市密

炊火生橋橫礪泉吐豈知百步間遂與祇林遇斷垣圍  
禾麻連磴亞竹樹迢迢鐘梵音幼眇更何處山居悅爽  
塏何然滃蒼霧苔痕上石墀覓響下沙路殘碑記捨宅  
妙蓮邇來輸雖無王中文裴休跡其庶邦君出戎馬自  
笑問津誤而我汗漫期亦被雨師妒逆將招隱心桂下  
飽風露漁唱起江邨言歸逐飛鷺

屠笏巖同年自滇浮家過瀘可垣訂同遊集一  
如畫山城瞰落帆匆匆走馬叩門監簿攜洱海團雲種  
同試瀘陽滴乳巖遠道風華生夜簾當時文酒浣春衫  
江南一唱千金直可有琵琶捧玉纖

師門一昨轍春筵我向西川子向滇輶使慣催行按部  
銅官穩載去朝天共看羈宦成游宦卻喚同年作少年  
觸迂東南賢地主使君巖畔屐痕偏

合江追和阮亭尚書西涼神祠曲

少岷青峭削三峯隋代真人石匱封卻數略陽氏破虜  
靈祠喧打五更鐘

玉門持節下姑臧能賦龜茲志慨慷一等枋頭光夜起  
斷堤人指黑龍藏

麟嘉宮闕莽秋烟醞酒江城事偶然我不識神神識我

帝車曾侍七星天

今文昌神或以  
嘗化身爲呂光



靜總戎圈中乳虎

於菟脫乳小於狗抱狗來窺狗跳走磨牙澤吻天性成一剪腥風怒張口噬獸猶可行噬人直欄曲檻囚使馴  
獠奴擇肉餒朝暮彼食不飽非吾仁人言養虎自遺患  
義虎卻能報恩怨總戎絡臂痛穿礮試嚙仇頭帳前獻  
慎勿搖尾工乞憐廣場一看邀一錢畫轅霜淨百蟲避  
更勿輕假童牛權

潘訓導

元音

遺蔡江石龜

綦市兩頭龜矜重邁六日而何山骨疑外骨內無肉是  
山名猫居居民倚平麓夏秋龍雨多崩石亂填谷梭尋

辨光氣如玉孕良璞剖以金錯刀蘭栗滾珠瓊穹脊兼  
蛇頭廣肩竝鼈足一孟井華水靜夜付淘漉亭午拭令  
乾一撮布嘉穀如是經七年易象筮來復宛然行息軀  
靈出介蟲族豈足憲否臧要遺祝融伏司訓相惠存物  
理究涵育何聞元緒呼何向余且告何負絲圖獻何託  
芳苓宿雨翔何頡頏金糞何禿速涪何雙魚沈峽何一  
蟆蹙何頭懸高柳何癭綴枯木大鈞塊軋多悉數憚更  
僕休爲牀腳支姑取硯坳蓄縣窮民力頓此或資販鬻  
慎勿紛銜奇聲價抗蘄綠

校射晚歸

十八梯頭簇細旃揚葭歸院路相連塵生錦埒須沾雨  
風送牙旗忽動烟顧兔自闕弓影挂餓鴨翻學箭聲傳  
萬家星火高城迴誰汎輕舸水上天

求川松化石屏

草堂崢嶸龍作鱗畫屏如水空點塵來蘇鎮前致方物  
霹靂寸寸燒困輪膜粗理細恣摩玩巧匠程材琢花片  
永曲寧論繡錦張浮思豈待鏤金鍊有屏如此屏卽山  
一毛一粒春斑斑倚時想象濤聲涌疊後依稀雲氣還  
蒼髯老公幻兒戲孕珀儲苓祇餘事後彫人識古松心  
不轉我懷貞石義蕭郎意賞松石同萬年松化吟杜公

萬年松化卻防夜半化松去掩屏勿令當長風  
石杜句

出銅鑼峽

江漲乘秋霖百灘挂飛練鼓枻娛遠情坡樹綴餘脩坡  
窮江亦窮厓勢陡中變波臣出奇力十畝弄圓漩遠吞  
估客舟誤投介一綫始如風毛旋繼若井柳竈欲下反  
上行及下激於箭前朝平蜀計分道事攻戰將軍船翼  
樓降王車走傳此間銜壁地往轍縱懷緬遠聽阿那歌  
芳尊動流戀

木洞得泉之信

峽斷風無定孤舟下水難山圍巴郡外人出楚雲端猿

語傳清怨魚書戒蚤寒分明佩萸節獨自傍烏蠻

曉泊長壽

日上丹臺迴江皋遲建城道衝人戶遠秋漲縣橋平橘  
柚懸金重鳬鷗泛雪輕草除遺老地畱弔雪庵名

涪州阻水

外水送孤篷又流下武隆魚沈萱草綠驛斷荔枝紅山  
色團杯底灘聲汨枕中碧雲亭徙倚莫遣月朦朧

涪州北巖注易洞

江橈赴巖翠橈動巖亦動蟻旋附危級衰草冪其空三  
休入孤院傾耳辨弦誦有懷風教存右折訪厓洞山寒

地堅瘠宿沔慘凝凍滑澆循坡陀打而雨飛送舉頭見  
水簾簾底日穿縫始知置身處虛廠覆帷幙壞藤絡虬  
龍老樹翥鸞鳳畱題半磨滅姓名孰珍重講筵赴編管  
濟惡語堪痛闕堂注周易奧義揭塵夢石牀坐生徒造  
次古禮用爾時川黨賢應悔市爭鬪堂成歲三稔涪翁  
適過從壁窠榜鉤深陳義等善頌自爲夷陵徙漸作講  
堂供迹削名愈高吾學著前統彼哉王真人煉氣習騰  
虹覽古心激昂幽幽礪禽哢

羣豬灘

白躡烝涉波夜漲高數仞膨脝伏波底聚族肆砢磷爲

積爲艾豸睚眦競觀釁磨牙吞客舟立啼作霆震歎涌  
白浪花漩渦列圓陣非無舵與篙激裂斷寸寸一起勢  
一落魚腹葬同殉連朝苦札水格豚恃忠信擬操屠伯  
刀肯綮恣排擯長年啓利涉趨避貴精慎千指垂一漕  
整暇如臥鎮汔濟色死灰秋風老霜鬢

蔡新儒太守以今春三月別予錦城言將出棧  
歸浙頃予按渝事戴意外相聚知以阻水滯  
畱並山紙乞爲已船出峽詩而虛其左以待  
畫率題歸之

太守守閬州軍興閱三載請命爲部民豈特樹風采昨

歲官竟休券驢歷崑崙寫將出棧圖屢卜期屢改改卜  
向嘉陵努力片帆買行行抵巴郡病孫坐前灑毒著浮  
瘴烟漲水浩溟溟因循過中秋按部予亦乃撒局及佩  
莫意外接談顏有如兩葉萍適復會滄海抽帆到岸身  
慎勿慮寒餒軍儲關度支吏職戒遷貶錙銖手未沾肩  
項得輕擺攜家上五版吾舌代耕在峽景天下稀丹翠  
不可浼鰕鮓黃牛蹠炮皺蒼螭瘡神女峯便娟禹王宮  
磊嵬孫劉戰壘荒屈宋騷心解清夜聞竹枝哀猿和聲  
每一訖穿夔巫州亭共樂愷老年必辭蜀諺語信非紕  
吳諺少不入川圖此歸東吳抗迹寄壺欄湖天十錦船左  
廣老不入川



手正持盤青楓散漫吟黃菊頻頻採物情嗜奇遠披曠  
幸無駭媿非淵穎才泚筆豫畱待

聞官軍克勒烏圍

牛酒作去中秋懸巢命果休白雲聯角戍紅燼斷經樓  
上苑傳旗去前庭卷甲收遙知天象炯今夜落旄頭

平都憩二仙閣瞰五雲洞還坐巖上觀大江

江岸夾衆山延亘臥鸞簇山泥爛金紫日射眩雙目一  
峯稍離立猗儺蔽雲木矯然鸞翠翔滿縣滴蛾綠橫舟  
西郭門好景溷凡俗湫隘穿人烟靜便歧靈躅悠悠通  
仙橋斷水尚盈掬連蜷蔭黃葛扶幹大如屋楓檜搖寒

風愈陡徑逾曲琳宮千百間高下點巖陞仙家日月長  
例許覆碁局游息同世人何必離血肉何年浮屠教附  
會說陰獄揭鉢圖禪髮回輪狀胎殯直以鬼伯場而爲  
福地尋請觀五雲洞洞底肖空腹投炬照光明決起數  
蝙蝠前山奔青牛後山叫白鹿巴江動吾前吾或濯吾  
足終期尋玉碑蒼茫剗苔讀

舟中得唐氏妹書寄示蔭夫

水程論萬那論千錦字傳來隔判年笑指沙哥碧幢影  
不攜崔姦向東川

衰門骨肉早伶俜祿養長違愴過庭解道生男勝生女

東風長埽墓田青

噉噉清猿淚溼衣  
巴船無計送東歸  
蘇程兄弟分張久  
玉鏡臺前爲解圍

羊渡

灘過漿雙橫灘來漿一迎  
亂山蒼霧重古渡白沙平  
分碓農擔穀連場客敗橙  
不嫌霜候冷葉脫寺樓明

曉登忠州城樓

畫角烏烏遶曙氛  
高城寒枕大江濱  
徑流草露濃於雨  
屋起柴烟凍卽雲  
一代楚臣偃瓊佩  
幾時巴女會羅裙  
悲秋不盡登臨感  
冷狖疎鴻昨夜聞

引藤

詩今忠人以雜糧治釀釀成置藤其小吸

之謂之嘔酒與

黑苗所釀小異

巴人酒熟糟滿罌山蕎黍粟皆酒兵醴無香茅漉無葛

罌口翹插尺六之枯藤心空節少肌理滑且嘔且灌波

元冥水力入酒酒力出四座傳吸如長鯨盃鸚鵡酸號杓

鷗如何物敢抗蒼犀精古之釀法創儀狄嘔酒比擅花

苗能獠狔狔狔跳舞美侑不乃笙蘆笙方州密邇五

谿洞碧甯雅飲寒夙盟此藤弱小劣於管黃心膩豔名

相傾醉吟先生聚賓從巴王臺下歌喉鳴爾時斗價直

三百信手引醉魂曹騰後來習尚化醺薄不論臍膈安

鑪鎔不噉不啜不呶呶貽酒徒笑冠絕纓世間醒草種  
不乏底事媚醉抽纖莖天台藤杖剡藤紙道從汙降從  
隆升士夫嘉會待行禮亡禮爲禮吾斯輕藤乎藤乎爾  
勿狡獪助狂藥萬一下令斬刈資刀耕

使署學坡雜題

涪陵東去急奔洪禹廟已臺氣象雄笑向白詩畱轉語  
一州豈止一邨同

百濮三巴徼路長懷忠懷信細評量要知蔓子存城意  
便是廬陵節義鄉

門塗廳事聳棱棱陸舫高張儼試憑幾點輕帆幾沙鳥

屏風祇在翠微層

三楹如斗枕盤陀黃土圍牆長碧羅賓佐無多花柳晚  
不妨借我作東坡

林禽葉爛木蓮傾歌女蕭寥醉未成惟有斷谿橋下瀉  
夜涼遙和玉鐙鳴

廿年石碁土歸流千里瞿塘泝下游安得青袍過羊渡  
春糧集試在方州

霽後登屏風山歷禹廟觀音洞憩陸宣公祠墓  
月卻雨竟休高見漲痕落曹事告一空喜出南賓郭西  
谿絕神谿沙面蓋山腳石闕雨蔽虧木杪啁寒鵲殿瓦

祠如王碑碣無可拓拜罷尋故谿積淖汚秋籜茫茫江  
勢來奮欲撼厓岬崿崿滑汰間無計歇芒屨當時玉虛  
觀結構間焉託雲根豁雙洞窖水深未涸外爲雙闔呀  
內比一池鑿向南數十步內相實并棹墓前結孤亭墓  
上蔭老柞墓遷觀久廢觀豈墓相若霜清狐鼠寒百丈  
下鵬鸞覽古鬱心胸淒風起巖壑

禹廟

禹力無不到遠江人更神元圭君象儼金鼎物華新暮  
峽黃牛合秋灘白鳥親茫茫傳一宿乘載祇艱辛

陸宣公墓

吳郡傳歸葬榛叢此重板如閭白麻詔長掩翠屏山  
難危疑地懷忠要眇間已東禍寇相相望淚潸潸

屈原塔外霧濛濛上水危檣下水舫直爲鱗魚謀斗酒  
黃華江口白蘋風

石竇

若石有壁陡立山上表廣數畝絕不戴土其僧寺第三重相傳有石竇日溢水米供一僧飲食或鑿竇使廣其源遂絕

峽轉江曠如土坡稍迤衍中央森鐵梭四面絕陁峴斗  
然畫方郭一髮挂斑薛僧居無所緣累構歷九轉有如  
負殼蝸亦若上山繭厥頂寬數弓場礪不容碾三重青



豆房因石告除翦石竇涓細流利用勝雲笈未煩剏酌  
勞功德證非淺時以齊盃承溢米出精選俾佐香積廚  
一僧飢可免貪夫運圓鑿脈斷物遽殄長年指點處圖  
經失披展欲從遺老問此理待昭闡牧犢墟岸行沽魚  
渚沙踐望望夕霞西花林恣回緬

得晴沙書卻寄

青女霜遲遠漲漫美人無計報琅玕十年歸夢吳江冷  
一世雄心蜀道難讀律有才空翫辭論詩何味寄鹹酸  
鑾坡詆蕩鷗波廣望斷百尊話夜闌

題璞函少華舊刻詩卷感寄王述庵耳山璞堂

幾載青林夢故人一編風雅坐相親鯨魚絕海若栖翠  
欲繡平原趙勝身

張也堂堂世亦傳苗而不秀豈非天蛟螭蝼蛄尋常有  
斗酒公然倒廿篇

香火隨肩我後生二君皆長子六歲一官慚愧佛先成十圍絳

帳三通鼓忍對已援月下聲

吾鄉二陸俊非常各賦凌雲動九閭僥幸詩成在湖海

歸然君是魯靈光吾邑及青浦二十年來以奏賦授中書者述庵與余以丁丑璞函耳山以

壬午少華以乙酉而璞堂則以  
癸巳賜舉入湖海詩傳述庵撰

補銅篇

補銅匠不知姓里往來重藝問每宿僧寺有學者令負擔從不求值後學者至

卽令先者去得錢輒飲時夔州有馮翁以童子師自給自稱馬二子或馬公一日與遇相愕已而相哭率坐山中語竟日屏人不得聞惟聞此後當永訣不可復見時永樂甲申乙酉間也後皆莫知所終

川東老兒貌奇古半肩兩膝鍋善補夢迴玉座與金川  
跡徧渝州及夔府閣黎鐘畔版牀懸良治爲襄家失傳  
計脰卻教擔簦代得錢祇愛過墟捐戍王立政哀非闕  
錯鐫六州變倉猝旒冕驚連朱焰升鉢衣浪說細流謁  
哀哀盈庭器斗筲等閒覆餗陷凶文登山要采薜薇飽  
照水猶連瓜蔓抄湯鑊如飢事何益潦倒麻鞋絕行迹  
返鑾無計算羊牢顧甌有人護豚柵爐韜垂垂凝望賒

蒼茫列鼎舊身家，俠骨鼓刀溷塵市。  
隱心磨鏡寄生涯，雷公擊橐雨師灑。  
破金擎回露光采，鍊石徒看北斗橫。  
缺甌孰念南都改，猶有高寒馬二翁。  
強擷章句啓童蒙，相逢驟作鵲啼月。  
相別還成牛走風，此事羣傳耀圖契。  
歲在乞漿城，白帝四載紀元革。  
令從兩朝食德宗，稱惠因端終臂罪。  
勝詠劫盡灰銷血，淚枯太平麥飯尋常滿。  
肯向長陵薦一盂。

峽中間鷓鴣

一種猿聲外，聲聲勸客歸。  
春風湘草綠，底向峽雲飛。

宿壤塗

一  
五  
筆築荒江起人烟  
昵夕餐月波沈野渡水信漫湖灘  
卽酌親雙槳谿漁自一竿  
掩篷畱宿火無數鶴聲寒

湖灘

名勝記萬縣南江中有湖灘四  
川志夏秋灘漲如潮故名湖灘

湖陂寬以平灘險迴非類一漲灘遂空豈解命名義石  
形肖愁胡牽綴自圖記我疑疏鑿初磊落大星墜年深  
淘惡浪骨理盡枯脆僵臥爭一壘立腳轉寥遽連連大  
小灘習坎動危惴臨州抵萬州動謂席平地紅船標救  
生坐對墮涓淚翻羨上灘船沿緣險能避

萬縣

城惟東西  
南三門

一縣魚泉利高城欠北門西山空別業南浦故銷魂畫

旅衢歧路冬禽偏燒痕蛾眉露江積雞卜欲何言

岑公洞

岑仙夫豈仙高尚志蜚遞朝堂政昏暴州野力疲頓江  
泉嵐翠蒸一邱擇旌敦不投龍門策要遂丹鼎願閉關  
顧太和年壽獲長曼有如避秦人采芝脫塵涸慢亭桃  
花源異代可同論彌節尋洞天緣蔬被畦畝林碑揭清  
境泉響汨沙堰角巾招畫寒厓氣蕭蒼健太陽匿四阿  
厚地撤重榱廣輪數十步未礙大旗建正中鍾乳垂狀  
似馬肝獻道裝謚虛鑒爲供胡麻飯後壁銅石牀神漿  
凍猶歎來游徵宋賢解駁偶完寸急風埽爛莓淨土窟

飛龍洞頂田足耕井井若下溪循欄西復東心手眩暈  
挽醉公公盍歸鶴語訴清怨

雲陽

城影石城名山邊江枯一折圓五峯當縣闌萬戶入莊田  
封邑扶嘉遠靈祠益德專杜鵑寒不到春盡莫停船

鳳巖觀瀑布憩張桓侯廟閣

輕舟犯龍脊迤邐就沙步仰面見廟門膽落震霆怒玉  
龍下九天牙角盡傾赴十重懸水簾三折縋瀑布窪然  
池一泓一吞勢旋吐併力朝廣源真宰焉可訴是時法  
鼓闐萬口飽神胙半空插闌楯陰火暗蘭炷熊羆不二

心漢業限天數聲靈炳來葉戰伐奮前路大江流泯泯  
憑弔日忘暮作碑寓謙詞彼哉曾子固

放猿

草閣高面山寒影入虛閣稍聞跳擲聲謂是短童戲闌  
牕得善援爲物黠而慧銀鐙孰繫頸玉環孰留臂果園  
乞榛栗瑣屑耐供飼不誇解語能不闌接末祕惟願檐  
月升噉噉激清吹吁嗟山野心吟歔出無意繫之仍試  
之安得盡其技急呼縱使歸木處老巖翠此獸寧足奇  
雖奇吾弗貴他年過幡家卻望野賓至長亭巴西封休  
下巴東淚



峽次觀晚霞

凝雲如蓋雨如鍼  
津鼓鼙鼙書易沈  
玳瑁半天天又晚  
一重紅淺一重深

孔翠船蓬遲宿緣  
翦來西錦照東川  
昏鴉宿鷺驚飛遠  
此是酸寒富貴天

餘綺低翻匹練明  
赤城一語勝宣城  
祇愁小李將軍見  
三峽樓臺畫不成

白華前稿卷第五十一

南雁 吳省欽 沖之

古今體詩學舍後集二

晚登夔府東城樓同秋塘作

高樓仄徑葉紛紛笑攬茸裘昵共君夔子山川收返照  
魚人聚落對行雲飛騰豈謂屯天數竊據何堪策帝勳  
下上瞿塘平似掌得歸應喜斷猿聞

曉坐望白鹽山雲氣寄晴沙

一雲出山旋蔽山山風一飄雲一還有時吹送各天去  
天空山定雲閒閒上山白日下山雨愛山愛就白雲語

赤岬無情草不萌苦向白鹽分爾汝山雲對我意殷勤  
如輦如園高下紛連峯十二天然好笑謝巫雲是楚雲

越門太守送蒲桃酒鮑魚

馬乳垂檐遶夢頻雙餠釀就喜相親知君心厭涼州守

也把蒲桃酒讓人

太守時已乞休

魚復江邊水氣騰吹沙張口墨魚曾分明小雅詩人義

欲上高臺注未能

鮑本名鮑

官非吏部能傾甕室有山妻笑上竿擬割半瓊作

去酬

報不如勸駕就壺餐

次韻答秋塘食鮑

魴魴鮮且腴名隸雅材小昨叨地主遺法向山庖討草  
草分一杯饌好博詩好感君見秋風不逐思鱸擾鱖龍  
埽盤後詫此偏師搗齧膏縱弗如齧臂寧遂少斑魴化  
白頰怪異著窮島稱魴繫以鮓類族藉研曉衛鮓字子  
魚陳義聽無藐雖欠骨鯁終幸脫鱗甲蚤峽江江水幽  
乘興荷烟初問訊到襄陽槎頭片帆飽秋塘以今春偕  
馮治堂入楚馮  
畱而秋  
塘來蜀

曹秋漁軍中書至卻寄

半生特地逢冬閏十月天爲九月天圃菊叢分黃蝶舞  
江楓林對白鷗眠念君北路司戎幕謂我東川醉客筵

報道夔巫風色好稻堆堆徧瀼西邊

水笕

局院鄰故宮久斷鹿盧井無人擔水來呼水準竿影一  
竿穴牆腰通透根到頂決溜分涓涓滿盎祇餓頃旣解  
硯瓦渴亦謝符詒婢借問水所從遠向大江打勺水直  
半錢利病亟陳請前守濬十池其七蹟猶同引之俾入  
城萬竈飫甘酪奈何斃覓荒涸鮒盡延頸徒使移徙民  
賣水飽湯餅寄言買水家水利溥平等願爾菽粟多願  
彼衣食求一飲良區區託命佑禾穎

永安宮

康熙二十九年夔守許嗣印  
因址築亭在府學明倫堂後

垂創三分國存亡六尺孤赤符謀復漢黃鉞忿窺吳持  
敵師偏軀選軍路不紆蠶叢懸夢寐魚浦息艱劬象祕  
星躔犯宮深玉几扶儲君宏後勅元老亟先趨治命彌  
留最忠言繼死俱螻蟻號地坼鵠血濺春徂一自歸喪  
儼重尋別殿無翠華鼯跡鼠珠幃薜痕鋪逝水長東逕  
開門遽北俘聽笳牆隱雉過櫺闕朝烏中道空王業羣  
雄祇伯圖結亭存體槩立學改形模下輦魂應戀分香  
意孰誅向來伊霍侶主德爲交孚

黃初四年三月月犯  
天心星四月先主殂

附  
同作

姚蘭泉

炎宗末命逢屯數東下寧由孝直亡千里瓠亭空轉

戰一宮魚浦兀相望同仇誼視真兄弟顧命言如古  
帝王玉殿虛無萊莽合祇今膠序有輝光

甘后墓

后合葬惠陵今夔治望華亭後有后墓元人爲之碑予嘗辨之

海水羣飛日江陵遠遯年英雄輜重棄如御管徽傳繡  
襖看終脫金釵喜竝全數倫長坂盡運劇下邳邇是歲  
荊州領新婚破虜連易驚刀婢健應念玉人賢藏骨違  
巴地歸魂黯楚天卅稱虛未受輜載耀分編暴室崩差  
免鴻溝質未旋佩環聽寂寞綃帳記纏綿魚武偏師返  
龍顏不豫延頓教音樂遏還具禮儀遷先墓忘之矣庸  
兒信有焉沿譌夔壁後

劉禹錫有夔州刺史廳壁記

齊恨蜀都前補

獺吳矜龍盤蛇鄴效妍漢家榮后紀萬古慰寒泉

八陣磧

絕峽三重險神兵十萬雄留名森礧礧懸象閔鴻濛作  
卦方斯聚披疇次不窮陰陽生太極首尾應當中掩鏃  
銅精澀鳴桴石竇通堂堂奇間正屹屹守兼攻聘幣真  
王佐傳符始帝功英靈千古在規制一時同數較盤基  
滅祥延釵鬢洪力爭猶豫石氣壯永安宮自抱吞吳恨  
還殲伐魏躬叢祠霜溜柏域墓雨埋桐結陣從風后成  
營及馬隆山川猶遠勢天地祇孤忠極浦晨驚鵲高城  
夜起虹劉宗圖錄盡搔首問蒼穹

夔志人日踴蹟拾小石係釵爲一歲之瑞



白帝城

閨位扛炎鼎稱兵踵綠林竟看黃綬假還對白鹽臨陞  
戟知何處樓笳思不禁五千精銳練十二讖辭淫躍馬  
威名震騰龍體勢陰稻田流浩浩柏柱屹森森方幅徒  
修飾空倉絕信謚封囂情愈汰刺欵計偏深嬴氏剽殘  
運成家負吉音就徵無李業歸命有延岑刻掌文猶在  
當胸洞不禁遺墮長赤甲眞主本丹心豈足論王霸聊  
資鑒古今鵲窠嘲羽鍛魏都賦庸蜀與鵲同窠蛙井喻聲沈望帝  
還畱輦詩翁幾聽砧春陵佳氣遠凌眺一開襟

寄題石碁秦將軍貞素廟

石碁於乾隆辛巳改  
土設流剗司治立廟

中櫬開前府麾幢答勝朝身名三史冠儀象八蠻標獄

滯夫難望封遺子待邀一司歸總攝百戰靖紛蕪滅播

威初震平奢氣不驕勤王成遠涉整旅隔危譙今京師外城四

川營爲夫人入日接平臺儼天賡異數昭玉音樓空展

禮金甲幾沈銷大帥聰教璫渠兇走善趨夔門驚決裂

砭石敢漂搖名竝寧南諱功因逐北超請纓齋夙恨束

箸罷長髯奕代釐官土因堂立廟祧繡裾松影護白桿

蘇痕彫恤緯身終隕夫人以順治戊子壽終葬會龍山登壇略倍驍龍

山藏骨地端共奏笙簫

越門太守餽鯉魚

江東有巨鱸千斤負雄力連船餌牛牯頓頓慰飽食泊  
從京國遊菜市穀馳擊敲冰割片腴評價萬錢直蜀都  
號沃瀛章錦配鱗色每譁丙穴名薄染景純墨一爰得  
魚舅驚報二三尺徒看出水爛轉笑清波瘠譬諸培婁  
間豈復產松柏夔江江滸汗了繁集烟積起汕分鱸材  
到門齒折屐鱸膏性所棄茲味美無敵齋橙取芳鮮搗  
薑資埽滌骨脆兼肉肥母乃和去熊白步兵思鱸魚棄  
官計粗得君退持急流無魚殊不惜地厚物故鍾品奇  
嗜乃特爲醕巴鄉清鄉夢遶楓荻

觀蓮花峯放燈用初白集夜觀燒山韻

風定天昏炬細熏後門前檻爛蒸雲華髮笑證金蓮宅  
鉦鼓疑屯赤甲軍農耜春畝求化火經樓雪嶂報延焚  
無端也當湖燈賞祇起鴉羣少鷺羣

醴渢行

君不見白鹽赤甲形槩雄兩崖偪寒夔門通崢嶸象馬  
踞江面沒以夏漲浮以冬盤盤圍轉廿餘丈插底孤根  
在龍藏負厚非關瑣碎堆出奇要作鼎森象李冰鑿不  
開秦政鞭不到昂精聖人乘載初赦爾東行直下黃陵  
廟廟邊發船鼙鼓鳴冷淚峭落猿三聲上船筏纜下船  
槳峽口未到魂先傾是時醴渢狀沈隄颿忽崩濤化平

地同舟同命心力同汔濟寧關石靈庇今年九月係朽

月宋黃仁傑夔州苦雨漕漢洞渦悍難制句來幸遇天

雨霜陽侯退落十丈強木蘭雙櫂信沿弄想見冒花撒

髮紛彼猖我歸從陸不從水爾縱彭亨偃蹇如許能我

戕爾且夷爲黑白青黃壤利與壤屯報豐穰不然結爲

泰華嵩衡山膚寸雲雨沾人寰有人卻誦老坡賦謂與

岷江屹一柱江如萬騎盡銳西下來兀遇堅城舍之去

辜醜應酬保障功文章豈抱廻瀾譽奉節八景有欽歔

乎哉君不見八公天子盜兵革遺廟年深委烟磧惟有

放翁檣杖吟反道丈夫死社稷

赤甲山

青鞵徑度青苗阪赤杖高尋赤甲城  
晚照一天標石色斷流九地枕江聲  
自來夔府依秋士孰遣獮亭走漢兵  
節候稍遲烏帽落物華還對綠樽傾

瀼西訪少陵祠不得疊成都草堂韻

性褊幽栖合祠遷舊迹沈幾年  
黃菊淚萬事白鷗心巴蜀居相望  
皋夔業未任飛濤通細澗簪髮照森森

高齋苦三徙造次輒傾貲  
江漢迎殘夢乾坤入小詩  
翠屏長闥射錦樹夜尊移藥裏防多病  
平生國是危

漂泊西南久孤根窟撼蛟親朋風斷札  
猿鳥月窺梢宛

宛辭荒縣依依息近郊  
受遺宮闕重復此見衡茅  
我豈憂時客公非避世翁  
石門收稻後粉堞聽笳同  
峽抱南鄉闊園遮北崦  
濛不愁楹廟冷回首百花叢

寄陸赤南成都

別權悠悠信使賒  
講帷可對白牛車  
十年荏苒隨行李  
二月棠梨得坐花  
劍外幾人求選集  
尊前無事說思家  
夔城落日龜城月  
分照寒衣水一涯

白帝城明良殿祀先主及諸葛關張三侯殿故  
公孫述祠明都御史林俊改祀江神土神馬  
伏波爲三功祠今惟江神祀前殿

朝暉淨山郭郭廢跡同弔罔辨紫陽城

白帝城一名子陽城故夔府治

闕堵今有存者  
土人訛曰紫陽

已失白帝廟闕堞存宛然屣步上危嶠

櫺穆槐柳陰水鶴獨哀叫水深山又高控制藉游徼應  
論版築功況播藝穫教奈何時會艱黃屋據尊號擬諸  
卓與瞞有祠付一燎因地祠三功水土答神勞合饗逮  
伏波舉廢誠不料云誰奉先主玉座耿斜照主臣卜同  
德將相塑遺貌翻憐井底蛙較異二賊暴陞衛延故人  
事事坐虛剽以彼器量盈念此寄託效古今極俯仰予  
奪係哂笑隔江指厓樹舟暈入妍妙赤胛袒我旁一角  
露崩隋江山壯如此心目交眩掉血食安足論畱連去



母躁

東灘

灘口微平地山根不斷邨秦倉喧出穀底事墾東屯

菜園沱少陵新祠

祠故晉階書院在城東三里江越門改建

半畝叢祠替草堂菜園沱口竹梢牆榭橫南斗江流壯  
砧遶東城暮色長老去詩篇芒萬丈生前遷徙債尋常  
轉移到底需賢守爲語經儒一辦香

泛濫頌

江落淫豫高石色肖朽壤子立江中央精銳蓄蘗螭舉  
頭向南岸如馬脫鞴鞅其北逾嶺頑曳尾伺烟漿漿師

羣面之始得儻然往天寒水清瀏入夏變滂決水脈誰  
爲爲習者戒粗莽老鷹鬱餘怒一撇翅生響仄嶺仰懸  
檜斷流希撒網且泊下關城陟山抗遐想

秋江變亭招泛夔峽憩少陵祠

山郭千家挂客牕相招相喚屐停雙曝衣恰趁晴三日  
載酒先乘水半江日氣白浮楓葉渡江聲清和竹枝腔  
北園西閣成蕭瑟新對龍文萬斛扛

重至永安亭

萬古艱虞地重過閉浹句映門桑葉盡遶殿菜花新天  
數屯三統臣躬對百神江東雄得虎不稱受遣人

望華亭

在蘄治後山西北十餘步云是甘大人墓

百磴莎亭壓郡衙槐榆樹老畫翻鴉山籠赤白三千界  
灤帶西東一萬家銅馬有由窺井絡璧人何事葬天涯  
神京路北咸京遠瑞日如輪湧望華

相公橋

橋建自明萬歷間下有溪志言寇萊公令巴東時過此畱酌

相公橋遠相公泉在巴東照影臨谿酌偶然解道出山清  
見底卻將隻手障澶洲

白鹽山

刺天高幾里嶺半白瀾瀾一氣漫巴郡千秋落杜祠斷  
蓬人曳井下壁鳥翻旗未駐劉宗輦蒼茫爾勿思

上灘語

一里流灘數里住一飯灘多飯亦多身手自言健船  
身劣於馬百指孤纜牽牽船與石關敢非風前偏夏行  
水底石冬行石根水兀坐上青天何如棧雲裏

晚泊瓷莊

子月雲安峽孤邨早閉關角聲黃葉外帆影翠微間江  
淨三灘陷沙寒兩岸環吏人強半遣蹤跡混漁蠻

拽纜歌

斷竹續竹絞成纜黃蛇盤尾舳艫暗檣高灘高淚花澹  
灘高日低孤磴修千指一纜洶負舟纜懸舟定頑如牛

腰環纜直走差駛一戟一鉤石棱絰一夫起絰震呼喝  
絰起舟退君勿嗔石公齧纜能鮮人幅帆枝槳江不神

廟基灘

九地深埋石分明水占山祇因山斷路翻怨水程慳  
昨夜水落丈今朝水落尺願得落令乾峽底斷行客

舟中望雲陽

高城卻月倚茗茗凝望無多望轉遙三老諱言長短路  
百靈難借送迎潮江吞爛石枯方吐風長輕帆背卽消  
放溜溶溶輪上番西南天地合乘輶

下巖寺

下巖壁如削其上麋聳龜輪困墜江岸叢石交累基敏  
舷恣目想意境無絕奇適緣沙上飯遂撥巖邊霏巖高  
日景短鴈落荒城陴危根不著地凹入成厓竪縱橫七  
八弓燈火明瑠璃得知混沌初椎鑿工安施蓮臺四禪  
天勝果參聞思雖非鍾乳結頗有厓莎披中央裂片棱  
燕去龕猶支東偏割丈室齋磬敲僧彌風簾不可挂簾  
珠水所爲簾外見烟戶隔江鳴午雞徘徊顧同遊寒氣  
蒼鬢眉揔杖亟捨去恐受罡飈敲

上巖寺

洞窄厓傾草不芟病僧捫蝨倚枯杉祇緣西受江流早

修得虛名占上巖

彭谿今名小江口

蜿蜒胸臆縣涓瀝容母水一刀非不容寸寸鑿石齒入  
舟便百骸豈必計遼迤要以情勢論取道姑舍此谿民  
壑礲礲斜日散雞豕粗分橡栗甘豈少魚稻美語我行  
泝江博望灘可織就陸升梁山山翠晚凝紫使程自有  
常垂堂竟何已饒唱君勿喧沙禽下還起

九堆距小江口五里

升庵錄江險堆名漏未輯離堆瀝瀕堆突兀水心立九  
堆真九龍頭角隱鰐鰐旁踞江南厓一氣併噓吸渾淪

仙家園敗破天公笠廣可千步準高亦數仞及如四巷  
爲閭如四井爲邑一石聯九堆了不判岷岷天寒狂溜  
消返我拱而揖亂篙點蜂房獨上著黃褶蹣腳無寸泥  
屐齒曉蒼溼上無惡鳥污下無餓螭蟄江悲鴈百神舍  
此坐難給偉哉造化功有咎孰可執自來物性殊何帝  
判燥溼水大堆一空救生船四集

予屬藁塗乙每至不自省識頃錄夔府詩棄其  
藁江中戲作

腹藁蒙頭少未能刪塗紛弔剡谿藤他年過鳥輕身字  
誰把詩情繹杜陵



信手平拈費手敲淋漓席硯漲難消檢來斷送清流裏  
不要江神守大瓢

自奉節六日達萬縣

兩日來程六日還強弓百步穀難彎載分書畫如裝石  
坐對雲霞幾息關半世文章遲下水一時賓從銳登山  
年來不敢貪風便幸及無風抵渚灣

萬縣山中雨行

踰年息筋力按部順從水下灘旋上灘舟向郭門巖輕  
輿如故人別久見輒喜明知岡阜長願及風日美曉發  
萬縣城午飯三正里相迎復相送山色淡如此櫟樹紅

欲然橡葉黃半死高梁鬱叢叢劍閣去銜尾

白雲被茅屋屋角炊烟濃烟起雲勢開半露青芙蓉少  
焉雲再合烟亦雲是從烟雲互明滅顧盼皆盪胸巖深  
景多晦隔手紛濛濛征衣受急響雨點喧來衝不畏衣  
上溼悶此泥間蹤卻聞覆麥人笑語坪泥鬆

山郵無短亭沈縣日應夕記程藉輿丁五里班一易有  
時連臂呼直上抗獠迹迹間滑滑泥泥底巉巉石著腳  
難豫期寸寸跨鼇脊一尺三四步一步三四尺我生雖  
鴻毛未可付蹉擲石戶思悠然貫沽整蓑屐

蟠龍山飛雲寺西閣觀

曉度分水嶺，晝過銀河橋。風聲班馬聲，夾磴鳴蕭蕭。河  
無支流水，無脈點黛裝。鬟媚行客高，田細簇猢猻。梯冷  
壁斜嵌，苾芻宅屐痕。上齧八千丈，練影分垂六七匹。天  
孫織素懸星潢，二十八潭翻帝漿。玉龍九子開道路，鱗  
甲各各披光芒。三歧五劇滙雙股，白日青天打雷鼓。溪  
靈塞耳寐無覺，歷落山農對簾雨。我卻怪謫仙，入石梁  
三疊尋匡君。夜郎放浪足跡到江風，海月空傳聞我又  
笑桑苧氏中冷。一勺表揚子，甘腴至味茲。品茶晚過商  
英一知己，搖漾長生官。驛寒昭蘇更潤邨，疇美嗚呼山  
頭瀑布如此無。石湖推讚詞，非訣下樓我欲採龍洞如。

席雪花攪清夢

白兔亭

亭在蟠龍山嘉靖壬辰於此修兔巡撫宋滄表進禮部尚書夏言請獻官廟作

頌以進亭有詩碑四皆武臣及副使作

君不見興王繼統拆淫寺大典明倫矯羣議章聖創行  
謁廟儀真人待開朝元祕十年端拱稱太平醮壇如雲  
連玉清鳳皇麒麟世安在天佑一兔毛晶瑩野麋羅致  
外臺獻瑞應分明玉雞見長秋娛翫事猶可告祖告天  
太誣譎臨軒卻賀陽再三大雞柄禮趨趨選毫作頌  
導浮汰背詞宰相心所甘是秋彗星犯東井當道狐狸  
跡難屏累繫空成四鐵名馮恩干城孰扞九邊警幽風亭

柱沒秋烟噴霧厓頭烏闕懸勒名壯士銷聲易不比清  
藤表尚傳

晚次梁山桂谿書院

萬峯盤瘞馬一落萬川城候館依山靜人烟傍夕明忠  
藁紛割屬范陸迴含情卻問來夫子知德寥寥學易名

寄題雙桂堂

蜀中賜藏經者惟  
華陽昭覺寺及此

海藏來天上招提萬古名拜山鐘響亂埽石竹陰傾講  
拂封人境屠刀軫佛情木犀香近遠滯迹槐雙清

高都嶺

朝餐穿北郭霧凍日初上黃綠梁堰間紫萍碎搖漾官

程趁農畊九背旋九向攀援入高都種薑棧無恙方苦  
津梁疲驟覺耳目曠盤盤鴈鶴羣決起如我抗水田沈  
芥坳山脈簇蟻壙累朝數上劇邑折半義非創垂天亘  
長雲千里費隄防不見浮蘭碑接奇失神王

自新寧境抵達州

谿上羸螭嗽未成黃瓜塘外捲雙旌逢場笑問烟鬟影  
不記峯名記地名

豆山紅豆苦相思雞足無緣禮導師苦竹抽篁攢結子  
得知霜信到多時

蜀多慈竹  
謂之苦竹

涼風埡頂細盤螺抖擻羊裘奈茸何百里秋毫都挂眼

與丁祇說是山坡

豕棚牛欄苦草齊斷橋清嘯秀蔬畦  
寒帷不住瀟瀟雨看煞烏健趁一犁

楚鄉香火禹王宮迷過桃源路又通  
閑道謫仙落詩版幾人爪指剔苔叢

濃如新釀褪如潮熨貼青羅帶一條  
短艇不知魚計穩半裝熟米半薪樵

松明無火乞孤邨磴滑厓高景倍昏  
揆得怪藤安曲几

爲煩宜樹斂征魂

晝夜抵亭子鋪候館窰斗中有藤一本云其花可以止魔亦名夢花

斗梯難上下逾難倒緯呼號骨節酸  
我看青山人看我

一簪還掠水雲寒

達州偶題

盤青遶翠落輜車樓堞差參卷暮笳晉魏規模追後漢  
雍梁形勢上西巴賦隨綫貨三農儉俗傍羶氓百戲譁  
交付官師了公事一枝筇杖要撿爬

石城石鼓奠關河文獻何存歲月磨勝蹟斷從長慶始  
寓流傳向夜郎過晴稀雨密天真漏水下田高土不和  
勉識四夷防守義殊方繼圉壯天戈

川北川東控馭并文歸察使武歸營山雄邊障名多陋  
江瀉冬槽影倍清獵炬有人殲餓虎戰船無事斬神鯨



出羣才調由來少六相區區脫屣輕

通州那必勝江州麋鹿分庖雁鶩秋士氣似騰年大比  
民風及采卷長甯治兼守令官多假境偪華戎路孔修  
惻悵雪泥鴻印爪宏渠如帶促登舟

馬曉蒼司馬餽熊掌

山館客防熊雙蹠一笑中饌名經訓古舐訣道流同庖  
傳鮮難給機張巧竟窮萬錢昂論直饕餮媿匆匆

曉蒼邀過北巖寺尋巖上太白詩版不得

小庭攢四山旬日甌中坐目成城北美星火促校課自  
頃文案空東道遣一个甫踰重門限遽撤長戟荷溼泥

停淫沐捷燈下坎呵招提屋面迎頭渠寒稍墮麥苗圍  
斷垣青抹飯鐘破剝修迦宋明工作幾勞揮一茶話廢  
興啁雀響相和喚我探幽旅布襪笑拚沈了無蘿葛攀  
差少葳薤蹉渾淪撈怪石萬古受錘剝縛帚積陰惡  
詩洗則那久湮謫仙碑祇刻法王座是時蒼霧霏江影  
練遙臥已封鐵峽奇未攬芝鄉大火雲接冬雷猛雨恐  
來過主人謂無恐定許晚晴賀歸徑槭槭鳴逝憶悠悠  
鉞解纜及明晨畱題牋傳播

翠屏山尋夏雲亭故址

橫江十二翠屏齊一扇孤撐斗向西宣漢人烟明橘柚

中唐宦蹟隱蒿藜  
謫官涕淚青山濕  
才子聲華紫極題  
猶有野樵能指說  
夏雲終自勝丁谿

龍爪山白塔廢寺

江路擁一環  
向南境差闕山巔如砥平  
浮圖卓空植懸厓  
附飛下轉眼落江北  
紆威縈斷町人跡間牛跡  
潭潭滄溼泥尋枉遇寸直載折登石門門  
罅影暗黑急跳跳上頭數頃破鬱塞大千見  
胡甸切光明師象負神力霹靂一角摧肩  
鼎七層積如閑二龍子升降作安宅稍西面  
齋廊罕復覩古德孤磬暗不鳴壞碑溼無色  
烟際帆忽行江練左巾舄逝矣樂山心邈焉獨吟客

渠江舟次

無霜有瘴是通川  
元白酌詩語未然  
樺過戛雲亭下槩  
薄陰天變老晴天

尺五寒流染黛低  
玻璃不似似瑠璃  
枯桑病栗沙如錦  
纔見漁郎曬網時

尖山簇簇帶斜山  
冶火紅燒鐵峽頑  
細問南昌灘不省  
半竿孤鷺落霞間

兩江冬水綠悠悠  
之字帆迴亞字洲  
記取蜜羅柑香淺  
處一尊遙夜竹枝謳

三滙舍龍母祠

祠粵人所奉

渝水吞渠水如雲笑趁場偶尋龍媪宅卻話蠻人鄉  
薦  
非冬盤蚤凝花夜藥長聞歌增銳氣銅鼓應鏘鏘